

Na osnovu čl. 6., 12. i 17. Statuta Fondacije za pružanje pomoći u rješavanju stambenih pitanja pripadnika boračkih populacija (u daljem tekstu: Fondacija), na prijedlog Direktora Fondacije, Upravni odbor Fondacije na svojoj 15. sjednici održanoj 11.12.2024. godine, *d o n o s i*:

PRAVILNIK

o uslovima, načinu, kriterijima i postupku dodjele jednokratnih interventnih bespovratnih novčanih sredstava pripadnicima boračko/braniteljske populacije zbog poplava na područjima općina Jablanica, Konjic, Fojnica, Kiseljak, Kreševo i Mostar (Drežnica).

Član 1.

Ovim pravilnikom se utvrđuju uslovi, način, kriteriji i postupak za dodjelu i korištenje jednokratnih interventnih bespovratnih novčanih sredstava pripadnicima boračko/braniteljske populacije zbog poplava na područjima općina Jablanica, Konjic, Fojnica, Kiseljak, Kreševo i Mostar (Drežnica), te kontrola i izvještavanje o utrošku dodijeljenih novčanih sredstava.

I - Pravo sudjelovanja u raspodjeli jednokratnih interventnih bespovratnih novčanih sredstava i potrebna dokumentacija

Član 2.

Pravo sudjelovanja u dodjeli jednokratnih interventnih bespovratnih novčanih sredstava zbog poplava na područjima općina Jablanica, Konjic, Fojnica, Kiseljak, Kreševo i Mostar (Drežnica) imaju pripadnici boračkih populacija odbrambeno-oslobodilačkog rata, članovi porodica šehida, poginulih i nestalih, ratni vojni invalidi, demobilisani borci i zakonski zastupnici prvog reda, a koje je zadesila poplava na područjima naprijed navedenih općina.

Član 3.

U cilju odobravanja jednokratnih interventnih bespovratnih novčanih sredstava za poplavljena područja općina Jablanica, Konjic, Fojnica, Kiseljak, Kreševo i Mostar (Drežnica), Fondacija će raspisati Javni poziv na koji imaju pravo aplicirati lica iz člana 2. ovog Pravilnika.

Član 4.

Podnosilac zahtjeva mora ispunjavati slijedeće **uslove**:

1. da je pripadnik boračke populacije iz člana 2. ovog Pravilnika;
2. da ima prebivalište na području općina Jablanica, Konjic, Fojnica, Kiseljak, Kreševo i Mostar (Drežnica).

3. da je podnosilac ili član njegove uže porodice vlasnik stambene jedinice na području općina Jablanica, Konjic, Fojnica, Kiseljak, Kreševo i Mostar (Drežnica).
4. da je stambena jedinica djelimično ili potpuno uništena uslijed poplava koja je zahvatila područja općina Jablanica, Konjic, Fojnica, Kiseljak, Kreševo i Mostar (Drežnica).

II - Dokumentacija

Član 5.

Podnosilac zahtjeva prilikom apliciranja na Javni poziv dužan je dostaviti sljedeću dokumentaciju:

- a) Adekvatno popunjen aplikacioni formular (zahtjev za odobravanje jednokratne interventne bespovratne pomoći i Izjava - koja je sastavni dio objavljenog aplikacionog formulara);
- b) Uvjerenje o pripadnosti Oružanim snagama izdato od nadležne grupe za pitanja evidencije iz oblasti vojne obaveze ili nadležnog ministarstva unutrašnjih poslova za period 18.9.1991. do 23.12.1995.godine.
- c) CIPS-ova prijava mjesta prebivališta ili boravka (za podnosioca prijave);
- d) Zapisnik nadležne općinske službe o evidencije nepogode poplave sa pratećom dokumentacijom ili Uvjerenje / potvrda općinske službe da je objekat oštećen uslijed nepogode poplave;
- e) Dokaz o vlasništvu za stambeni objekt ili stan (zemljišno-knjižni izvadak, građevinska dozvola ili posjedovni list);
- f) Tekući račun na koji bi se vršila uplata odobrenih sredstava.
- g) Eventualno potrebna druga dokumentacija na zahtjev Fondacije/Komisije.

Jedinstveni aplikacioni formular (zahtjev za odobravanje jednokratne interventne bespovratne pomoći i Izjava - koja je sastavni dio aplikacionog formulara) će biti objavljen na web stranici Fondacije.

Podnosilac zahtjeva je dužan traženu dokumentaciju dostaviti u originalu ili ovjerenoj kopiji.

Ukoliko podnosilac prijave na Javni poziv ne dostavi naprijed navedenu dokumentaciju u roku koji je naveden u javnom pozivu, prijava će se odbaciti kao nepotpuna.

III – Planiranje i raspoređivanje novčanih sredstava

Član 6.

Odobrovanje jednokratnih interventnih bespovratnih novčanih sredstava boračko / braniteljskoj populaciji za poplavljena područja općina Jablanica, Konjic, Fojnica, Kiseljak, Kreševo i Mostar (Drežnica) vrši se na osnovu jedinstvenog javnog poziva,

koji se objavljuje u najmanje dva dnevna lista na teritoriji Bosne i Hercegovine i web stranici Fondacije www.fbp.ba

Upravni odbor Fondacije će svojom odlukom odrediti iznose interventnih bespovratnih sredstava u skladu sa raspoloživim sredstvima i brojem zahtjeva koji su dostavili dokumentaciju u skladu sa članom 5. ovog Pravilnika.

Odluku o raspisivanju Javnog poziva donosi Upravni odbor Fondacije.

Javni poziv ostaje otvoren 10 dana od dana objave u dnevnim novinama.

Javni poziv mora sadržavati uslove i kriterije utvrđene ovim Pravilnikom i rok za podnošenje zahtjeva.

Podnošenje zahtjeva vrši se na jedinstvenom obrascu/aplikacioni formular koji je sastavni dio ovog Pravilnika.

Član 7.

Uz prijavu podnosilac zahtjeva treba priložiti dokaze o ispunjavanju uslova iz Javnog poziva i izjavu da Fondacija dostavljenu dokumentaciju može provjeriti samostalno i/ili u saradnji sa drugim organima, da je može obrađivati i objaviti na način propisan općim aktom Fondacije o zaštiti ličnih podataka.

Provjeru priložene dokumentacije vrši Stručna služba Fondacije, Direktor Fondacije a na zahtjev Upravnog odbora Fondacije, ukoliko postoji sumnja, provjeru mogu vršiti federalni, kantonalni/županijski, općinski ili organi uprave nadležni za boračko-invalidsku zaštitu, kao i odgovarajuća udruženja/udruge boračkih populacija.

Ukoliko se provjerom utvrdi da priložena dokumentacija ne odgovara stvarnom stanju ili je izdata od nenadležnog organa ili krivotvorena, ta prijava se odbacuje kao nepotpuna.

Član 8.

Na osnovu prijedloga Direktora Fondacije i Stručne službe Fondacije, Upravni odbor Fondacije donosi odluku o raspodjeli jednokratnih interventnih bespovratnih novčanih sredstava zbog poplave na području općina Jablanica, Konjic, Fojnica, Kiseljak, Kreševo i Mostar (Drežnica). Odluka se objavljuje na oglasnoj ploči Fondacije, web stranici Fondacije, te oglasnim pločama udruženja/udruga koje pripadaju boračkoj/braniteljskoj populaciji.

IV – Planiranje i raspoređivanje novčanih sredstava

Član 9.

Ukupna sredstva za jednokratnu interventnu bespovratnu novčanu pomoć pripadnicima boračke/braniteljske populacije, koji su pogođeni poplavama na područjima općina Jablanica, Konjic, Fojnica, Kiseljak, Kreševo i Mostar (Drežnica), planirana su u ukupnom iznosu od 300.000,00 KM.

Sredstva namijenjena za jednokratne interventne bespovratne novčane pomoći pripadnicima boračke populacije u smislu ovog Pravilnika, plasiraju se putem banke sa kojom je Fondacija sklopila najpovoljniji ugovor o saradnji.

Član 10.

Fondacija može provjeriti priloženu dokumentaciju samostalno i/ili u saradnji sa drugim organima. Upravni odbor Fondacije može zatražiti provjeru i uputiti na teren Stručnu službu Fondacije, Direktora Fondacije i imenovanu komisiju upravnog odbora kako bi se na licu mjesta sačinio zapisnik o nastaloj šteti ili stanju objekta i na osnovu činjenica, podnijeti prijedlog na razmatranje Upravnom odboru Fondacije.

Ukoliko se provjerom utvrdi da priložena dokumentacija ne odgovara stvarnom stanju ili je izdata od nenadležnog organa ili krivotvorena, taj zahtjev se odbacuje kao nepotpun.

V - Nadzor, kontrola i izvještavanje o dodjeli jednokratne interventne bespovratne novčane pomoći

Član 11.

Nakon razmatranja dostavljene dokumentacije iz člana 5. ovog Pravilnika i prijedloga Komisije, Upravni odbor donosi odluku o utvrđivanju postojanja uslova za dodjelu interventne bespovratne pomoći, visini jednokratne interventne bespovratne pomoći koja se odobrava, načinu isplate i načinu ostvarivanja kontrole namjenskog utroška odobrene pomoći.

Član 12.

Upravni odbor zadržava pravo da od Stručne službe, Direktora Fondacije, Komisije Fondacije za ove namjene ili na drugi zakonit način, zatraži kontrolu realizacije i namjenskog utroška odobrenih jednokratnih interventnih bespovratnih sredstava prema ovom Pravilniku.

Kontrola iz prethodnog stava će se izvršiti na terenu, odnosno u sjedištu subjekta kojem je dodijeljena interventna bespovratna novčana sredstva.

Član 13.

Svaki korisnik jednokratne interventne bespovratne pomoći, obavezan je, nakon realizacije odobrene novčane pomoći, dostaviti pismeni izvještaj Fondaciji o utrošku odobrenih novčanih sredstava.

Član 14.

Izvještaj o utrošenim sredstvima, iz prethodnog člana ovog Pravilnika, se dostavlja Fondaciji u roku od 30 dana od dana utroška u cilju poboljšanja stambene jedinice, a najkasnije šest mjeseci od dana dobijenih sredstava bespovratne pomoći.

VI - Završne odredbe

Član 15.

Ovoj pravilnik stupa na snagu danom donošenja.

Broj: 04-02-595/24
Sarajevo, 11.12.2024. godine

**Predsjednik Upravnog odbora
Fondacije
Safet Sijerčić**